

Xiviko xa SARS xa Mphutumo wa Nakhotiki - Xintirhwana xa "Irene"

4 Ndzati 2025 - Hi ti 3 Ndzati 2025, Vukorhokeri bya Xibalo bya Afrika-Dzonga (SARS) byi rhangerile xintirhwana lexi fambisiwaka hi vunhlori bya ntirhisano lowu fikeleriseke eka nkomo na ntekelo wa nakhotiki leswi nga na nkoka wa le xitarateni wa kwalomuya ka R56 million.

Dyikepe dya Mbalango wa le Lwandle wa Khasitomo dyi yimisile xikepe xa ndzhwalo ekusuhi na Fairway Bouy eka nsoma wa le handle kwalomuya ka timayili ta 4 ta Vugimalwandle bya Vuhumadyambu bya Durban no dyi heleketa eka vuyimaswikepe bya xona enhlalukweni. Vaofisiri va nsindziso wo landzelela nawu va Khasitomo va khandziyile dyikepe no kuma tikhontheyina to hlaya leti boxiweke ti nga si fika dyikepe ledyi a dyi kombisa nxungeto lowu nga va ka kona wa ngungumeriso.

Nkambelo wu fikisile eka vhumbunulo wa switina leswikulu swa 25 leswi ehleketeleriwaka ku va swi ri khokheyini leswi tumbetiweke etiyunitini ta xigwitsirisi xa tikhontheyina to hlaya. Xikambelwana xa swidzidziharisi xa le rivaleni xi endlwile no kombisa kahle tinhundzu ku va ti ri khokheyini ya nkoka wa le henhla swinene leyi faneriweke hi ntimulo wo engetelela na ndlandlamuxo eka mipimo leyikulu mayelana na hangalaso lowu nga riki enawini. Khasitomo yi tekile tinhundzu no ti yisa eka Vukorhokeri bya Maphorisa bya Afrika-Dzonga (SAPS) leswaku ti hlayisiwa, ku lavisisiwa na vuchuchisi ku ya emahlweni.

Ttn Edward Kieswetter, Khomixinara wa SARS, u ndhundhuzerile vaofisiri eka matshalatshala ma vona mo ka ma nga kavanyeti nghenelelo wa swa vugevenga bya nakhotiki ntsena etikweni, kambe mo tlhela ma sirhelela vaaki eka swiendleko swa yona swo onha. U vurile leswaku "ku humelela loku ku kombetela eka ku humelela ka ntirhisano na vatirhisani va hina ku suka eBrazil. I ntirhisano wo fana na lowu, lowu vulavulaka ntirhisano wo tiya eka matiko ma BRICS lama tirhanaka na nhlasele lowukulu mayelana na mihlangano ya vugevenga bya mitlawwa. Ku humelela loku ku tlhela ku koweta leswaku matshalatshala hi tiejensi hinkwato ta nsindziso wo landzelela nawu etikweni ra hina ku teka tlhontlho wo sirhelela mindzilekano ya hina".

Mayelana na vuxokoxoko hi xitalo, u komberiwa ku tihlanganisa na SARSMedia@sars.gov.za

MAKUMU